

*Библейско-богословская коллекция*  
Серия «СВЯТОТЕЧЕСКИЕ ТВОРЕНИЯ»

**Свт. Димитрий Ростовский**

**КАНОН  
ПРЕПОДОБНЫМ  
АНТОНИЮ И ФЕОДОСИЮ  
ПЕЧЕРСКИМ**

© Сканирование и создание электронного варианта:  
издательство «Аксион эстин» ([www.axion.org.ru](http://www.axion.org.ru)), 2009



Санкт-Петербург  
*Аксион эстин*  
2009

## КАНОНЪ (\*)

ПРЕПОДОБНЫМЪ И БОГОНОСНЫМЪ ОТЦЕМЪ НАШИМЪ  
АНТОНІЮ И ФЕОДОСІЮ КІЕВОПЕЧЕРСКИМЪ.

ТВОРЕНІЕ ДИМИТРІА МИТРОПОЛИТА РОСТОВСКАГО НА МОЛЕНІЕ  
УСТЮЖАНИНА ІОАННА ФЕОДОРОВА ПРОТОДЬЯКОНОВА 1704 ГОДА.

Тропарь, гласъ 3:

Двонцу начальныхъ російскихъ свѣтилъ почтимъ:  
Антонія Богомъ посланнаго, и Феодосія Богомъ даро-

---

(\*) Этотъ канонъ присланъ въ редакцію Хр. Чтенія при слѣдующемъ отношеніи вологодскаго епархіальнаго Комитета для церковно-историческаго и статистическаго описанія вологодской епархіи: «Препровождая при семъ канонъ преподобнымъ Антонію и Феодосію, киевопечерскимъ чудотворцамъ, твореніе св. Димитрія митрополита ростовскаго, вологодскій епархіальный Комитетъ имѣеть честь изъяснить слѣдующее. это произведеніе знаменитаго святителя и витіцъ нашей Церкви доселѣ было неизвѣстно нашимъ ученымъ изыскателямъ древностей русскихъ; въ Словарѣ историческомъ митрополита Евгенія о писателяхъ духовнаго чина, при исчисленіи твореній святителя Димитрія, объ немъ не упоминается. Подлинникъ его, писанный уставомъ, хранится какъ рѣдкость при великоустюжской градской вознесенской церкви, въ которую онъ посланъ самимъ святителемъ Димитріемъ по слѣдующему случаю. При означенной вознесенской церкви, холодный, каменный, отдѣльнымъ зданіемъ построенный храмъ имѣеть престолъ во имя Антонія и Феодосія киевопечерскихъ. Строителемъ этого храма въ началѣ 18 столѣтія былъ богатый граж-

ваннаго, тіа бо первіа, равноангельнымъ въ Россіи житіемъ просіявше отъ горъ кіевскихъ, освѣтиша отечествія нашего вся концы, и путь къ небеси правый многимъ показаша, и, первоотцы инокомъ бывше, лики спасаемыхъ Богови приведоша, и нынѣ, предстояще въ вышнихъ немерцаемому Божеству свѣту, молятся о душахъ нашихъ.

Богородичень по гласу.

Канонъ, гласъ 8:

Пѣснь 1. Ирмосъ:

Воду прошедь:

Воды мірскаго мятежа, аки Моусей съ Аарономъ чермное море, преподобный Антоній съ Θεодосіемъ блаженнымъ немокренно преидоста и, безъ вреда при-

данивъ г. Устюга и прихожанинъ вознесевской церкви, Иванъ Фелоровъ Протодьяконовъ. Окончивъ въ 1703 году строеніе храма, благочестивый строитель просилъ святителя Димитрія ростовскаго написать особый канонъ преподобнымъ Антонію и Θεодосію кіевопечерскимъ въ новосозданномъ храмѣ, ихъ имени посвященномъ. Вслѣдствіе этого прошенія и былъ приславъ въ Устюгъ св. Димитріемъ означенный канонъ,—нарочно ли тогда составленный, или заранѣе сочиненный, неизвѣстно.

«Такъ какъ всякое произведеніе знаменитыхъ, а тѣмъ болѣе благодатію Божіею явно ознаменованныхъ писателей достойно всякаго вниманія и сохраненія въ потомствѣ: то въ видахъ сего сохраненія, вологодскій епархіальный Комитетъ, съ соизволенія Его Преосвященства преосвященнѣйшаго Христофора, епископа вологодскаго и устюжскаго, препровождая означенный канонъ въ редакцію Христіанскаго Чтенія, имѣеть цѣлю помященіе его на страницахъ сего изданія, если это признано будетъ нужнымъ, полезнымъ и достойнымъ памяти великаго святителя».

Членъ епархіальнаго церковно-историко-статистическаго Комитета: Спасокаменскій Архимандритъ *Діонисій*.

Ученый Секретарь *Николай Суворовъ*.

станица небснаго достигше, радостно возгласиста: избавителю и Богу нашему поимъ.

Волнами житейскими вляйся азъ окаянный и, да непогрязну фараонитски въ глубинѣ золь, бояся, къ вамъ вопію, о отцы преподобніи: избавителю и Богу нашему о мнѣ помолитесь. *Слава:*

Водами слезъ твоихъ фараона мысленнаго потопилъ еси, Антоніе; во умерщвленномъ же тѣлеси, аки въ тумпанѣ, побѣдная воспѣлъ еси, Θεодосіе; оба же о насъ моленіе избавителю и Богу нашему принесите. *И нынѣ:*

Воды страстей моихъ изсуши, рождающая незаходимое солнце Христа, и на сухъ путь безстрастія настави мя, добрая путеводительнице, да благодарственная избавителю Богу нашему, и Тебѣ, воспою во вѣки.

### Пѣснь 3. Ирмось:

#### Небснаго круга:

Небсное житіе въ пещерахъ земныхъ покажете, отцы преподобніи, оутверждающесе же въ любви Божіей, желаемаго горняго края достигосте, и зрѣти сподобистесе единаго Человѣколюбца.

На небснѣй кругъ востеклъ еси, святе Антоніе; къ небснѣмъ обителемъ представился еси, преподобне Θεодосіе: тамо оба мольбу о насъ грѣшныхъ принесите къ единому Человѣколюбцу. *Слава:*

Небснѣхъ благъ лишився азъ окаянный, къ вамъ притекаю, о небснѣи граждане: да не въ конецъ отчужденъ буду части спасаемыхъ, оумолите о мнѣ единаго Человѣколюбца. *И нынѣ:*

Небсѣ пространнѣйшая Богородительнице, Невмѣстимаго вмѣстившая въ пречистыхъ ложеснахъ тво-

ихъ, сподоби мя грѣшнаго получитьи мѣсто въ селеніяхъ праведныхъ и съ тѣми наслаждатися лицезрѣнія единаго рожденнаго отъ Тебе Человѣколюбца.

Сѣдалень, гласъ 2:

Моленіе твое теплое, Антоніе преблаженне, огонь съ небеси сведе, на мѣсто, идѣже нынѣ основася богородична церковь; твоя же примѣжная мольба, богоносе Θεодосіе, на тоже мѣсто благодать Божию образомъ дуги отъ ветхія церкви преведе; оба бысте чудотворцы, оба велиціи Того угодники, оба тепліи къ Богу молебники (\*): и нынѣ молитвами вашими поплите хвастіе грѣховъ нашихъ, и благодати Божіей приобщите ны, и отъ бѣдъ избавляйте насъ, вскорѣ предстательствующе.

*Слава и нынѣ:* Моленіе теплое:

Пѣснь 4. Ирмосъ:

Услышахъ, Господи:

Услышахъ гласъ Господень въ Авонѣ, къ игумену глаголющъ: послѣ ми Антонія въ Россію, яко тамо его требую, и прииде Антоній въ новопросвѣщенную страну повелѣніемъ Господа своего, и прослави Того Божество.

Услышавъ Θεодосій гласъ Христа, во евангеліи глаголюща: грядите по Мнѣ и возмите иго мое на себе, абіе вся яко оуметы вмѣшивъ, во слѣдъ его поиде и прослави Того Божество. *Слава:*

Услышавше равноангельное двою тою отцу въ пещерахъ пребываніе, мнози стекошася къ нима подражати постническихъ подвиговъ и, образомъ добро-

---

(\*). Должно переставить слова такъ: «оба тепліи къ Богу молебники, оба велиціи Того угодники».

дѣтельнаго ею житія наставлшеня оугождати Богу, прославиша Того Божество. *И нынѣ* :

Услыши, Владычпце, степеніе и мольбы христоменимыхъ людей, призри на озлобленіе и горесть оутѣсняемыхъ отвсюду, виждь слезы и рыданія сущихъ въ бѣдахъ и скорбехъ, и оумилосердися на рабы твоя, да Тя Богородицу прославляемъ.

Пѣснь 5. Ирмосъ:

Просвѣти насъ:

Просвѣтишася, яко небеса двѣма свѣтилами, горы кіевскія двома начальнѣйшими отцы преподобными: Антоніемъ аки солнцемъ, Феодосіемъ аки луною, и свѣтъ святыни ихъ во тмѣ пещерной свѣтяшеся, и тма не объятъ ихъ; людіе же, на свѣтъ добрыхъ дѣлъ ею взирающе, прославляху Отца небснаго.

Просвѣтися вся Россія лучами чудесъ ваю, сынове немерцающаго свѣта, отцы преподобниі, аще и подъ спудомъ пещернымъ скрыстеся; творимая бо вами богоугожденія въ тайнѣ показа та Богъ явѣ, и прослави прославляющихъ Его. *Слава*:

Просвѣщаетеся нынѣ, аки солнце, во царствіи небсномъ, о богоблаженніи: просвѣтите омраченную мою душу и на свѣтлую заповѣдей Божіихъ стезю наставите мя. *И нынѣ* :

Просвѣти лице твое на рабы твоя, Христе свѣте истинный, и, отгнавъ тму прегрѣшеній нашихъ, свѣта присносущнаго общники сотвори ны, ради рождшія Тя и преподобныхъ твоихъ, Человѣколюбче.

Пѣснь 6. Ирмосъ:

Моливу пролію:

Моливу изліялъ еси ко Господу, преподобне Антоніе, да будетъ по всей земли роса, на мѣстѣ же

имѣвшая быти церкви суша: и паки по всей земли суша, на мѣстѣ же святѣмъ роса, и услышанъ былъ еси вскорѣ; молю, и о мнѣ помолися, да влаги моя изсушить страстныя, изсохшее же сердце мое росою благодати да оросить и отъ тли да возведеть мя Богъ мой.

Молитвами твоими, преподобне Феодосіе, обитель твоя во оскудѣніяхъ наполняшеся земныхъ благъ: душѣ моей скудной, не имущей добрыхъ дѣлъ, исходятайствуй спасительная благая, и отъ тли да возведеть мя Богъ мой. *Слава:*

Молитвами преподобныхъ твоихъ угодниковъ, Антоніа и Феодосія печерскихъ, изліявшихъ предъ Тобою сердца своя и молящихся къ Тебѣ о всемъ мірѣ выну, отъ тли, Боже мой, возведи мя. *И нынѣ:*

Молитву мою по Господѣ Бозѣ къ Тебѣ, госпоже Богородице, проливаю, и возвѣщаю моя душевныя печали; яко злыми моими дѣлы въ погибель влекомый есмь, и не исправляюся; грѣховнымъ оружіемъ уязвляемый есмь, и не чувствую; кить преисподняго ада пожрети мя хошетъ, и не бѣжу отъ него: обаче къ твоему милосердію вопію: отъ тли, Владычице моя, возведи мя.

#### Кондакъ, гласъ 2:

Твердыя столпы благочестія, недвижимая иноческихъ законоположеній основанія и необоримыя стѣны російскія восхвалимъ: Антоніа, возлюбшаго Бога, и Феодосіа, возлюбленна Богомъ; труды бо онѣхъ и постническія подвиги пріять паче всякаго всеплодіа единъ во святыхъ Прославляемый.

#### Икосъ:

Кое похваленіе принесемъ двоицѣ великихъ угода-

никовъ Божіихъ: Антонію, обрѣтшему благодать предъ Господемъ, Ѳеодосію, сподоблшемуся благодати отъ Господа, обѣма же послужившима богоблагодатнѣй пречистой Дѣвѣ? Яко же бо древле два Херувими славы бяху стояще у кіота завѣта; сице кіоту одушевленному, Божіей Матери, сіи два отцы преподобніи предстоята выну, хваляще воплощагося отъ Нея Бога, и нынѣ предстоятъ съ Херувими престолу неприступныя славы, аможе предста царица одесную, крилами же непрестанныхъ своихъ моленій осѣniają Россію, и умиловляемый ими бываетъ съ Богородицею Христось Богъ, единъ во святыхъ прославляемый.

### Пѣснь 7. Ирмосъ:

Отъ Іудей дошедше отроцы:

Отъ горы Аѳонскія блаженный Антоній въ Россію пришедъ и, да будетъ на мѣсгѣ семь святыхъ горы благословеніе, рекъ, пояше: отецъ нашихъ Боже, благословенъ еси.

Отъ дому родительню преподобный Ѳеодосій къ Іерусалиму тещи желая, на горы кievскія приде, и сотвори я своею святынею, яко Сіона; трудами же своима распространивъ обитель, яко Іерусалима, пояше: отецъ нашихъ Боже благословенъ еси. *Слава:*

Отъ мірскихъ любостластныхъ страстей, аки отъ вавилонскаго пламени, неопалии соблюдшеся отцы святія, нынѣ въ Церкви торжествующихъ съ радостію вопіють: Единый въ Троицы Боже отецъ нашихъ, благословенъ еси. *И нынѣ:*

Отъ Христа Бога посылахуся на проповѣдь два два, аможе самъ илти хотяше; пречистая же Дѣва Богородица, хотящи сама новопросвѣщенные люди



російскія посѣтити и сотворити Себѣ посредѣ ихъ селеніе, посла въ Россію, аки апостольскую двоицу, сія два избранныя рабы своя, Антонія и Θεодосія, поющыя: воплощенный отъ Дѣвы Христе Боже, со Отцемъ и Духомъ, благословенъ еси.

Пѣснь 8. Ирмосъ:

Царя небеснаго:

Царя небеснаго въ ангельскомъ чину прославити хотя, пещеру житіемъ твоимъ равноангельнымъ содѣлалъ еси, аки небо, Антоніе святе, и, земныхъ ангеловъ ликъ собравъ, глаголалъ еси къ нимъ: Егоже поютъ на небеси вси ангельстїи, того мы на земли хвалимъ и превозносимъ выну.

Царю небесному воинитися хотя, желѣзомъ прековался еси, аки воинскимъ поясомъ препоясуяся, Θεодосіе терпѣливодушне, и подвизался еси, яко добръ воинъ Иисусъ Христовъ, дондеже, міра и плоть одолѣвъ, врага діавола побѣдилъ еси, торжественно хваля и превознося укрѣпшаго тя Господа. *Слава:*

Царю небесному съ вси ангельскими нынѣ на небеси предстояще, не забудьте насъ притекающихъ къ вамъ, о отцы преблаженніи, да и мы сподобимся съ вами въ будущей жизни хвалити и превозносить Христа во вѣки. *И нынѣ:*

Царя небеснаго рождашая Богоневѣсто Владычице, сподоби ны части праведныхъ, да съ ними купно восхвалимъ рождагося отъ Тебе Владыку и прославимъ во вѣки.

Пѣснь 9. Ирмосъ:

Воистинну Богородицу:

Воистинну мертвы покажастся мірови, прежде погребенія въ пещеры нѣдра земная, аки во гробъ, всел-

шеса, но Богови живы бѣсте, богомысленными вашими умы къ небеси паряще и со безплотными лики Того, и купно Рождшую Его, величающе.

Воистинну житіе ваше ангельско бысть; во плоти бо суще, не радисте о плоти, но, аки плѣнника, ту умерщвленіи смирише, покористе духови, и безплотныхъ подражасте, неусыпно Господа и госпожу Богородицу величающе. *Слава:*

Воистинну наслѣдницы царствія небснаго сотвористесе, земная наслѣдія презрѣвше, и, отчуждившесе суетнаго міра, присвоистесе Богови и, разрѣшшесе союзовъ плоти, со Христомъ нынѣ жительствуете, со безплотными лики Тому и пренепорочнѣй Того Матери предстояще и о насъ молящесе, *И нынѣ:*

Воистинну Тобою человѣческой родъ получи спасеніе, о пренепорочная Дѣво Маріе; Ты бо соединила еси съ человѣкомъ Бога, въ пречистой твоей утробѣ воплотивши неизреченное Отчее Слово. Ты и насъ грѣшныхъ, удалившихся отъ Господа, паки къ Господу приближи, и примири, и присоедини Ему, да со безплотными лики, купно и съ тѣми, иже во плоти ангельски пожиша, и Тебе и родшагося отъ Тебе Христа Владыку, величаемъ во вѣки.

Достойно есть :





**Издательство православной  
богословской литературы  
“АКСИОН ЭСТИН”  
(Санкт-Петербург)**

Книги издательства “Аксион эстин” — это православные исследования, удачно сочетающие высокий научно-академический уровень и доступную форму изложения. Они будут интересны и полезны преподавателям и студентам богословских и гуманитарных ВУЗов, православных духовных академий и семинарий, всем верующим, желающим лучше понять христианское вероучение.

**Посетите наш сайт в интернете по адресу:**

**[www.axion.org.ru](http://www.axion.org.ru)**

**На сайте:**

- подробная информация о новоизданных книгах;
- возможность бесплатной загрузки большого количества электронных книг по богословию, библеистике, патрологии, которые легко читать на компьютере или распечатать на принтере;
- возможность заказать книги для доставки по почте (в том числе и электронные книги, которые высылаются на компакт-дисках).

**Ваши вопросы и пожелания направляйте, пожалуйста,  
по электронной почте: [info@axion.org.ru](mailto:info@axion.org.ru)**